

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1530/22
Sarajevo, 28.7.2022. godine

Z A P I S N I K
20. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 28.7.2022. godine

Sjednica je počela sa radom u 12:18 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate, goste te sve one koji prate sjednicu.

Izostanak sa sjednice su najavili: Senad Ahmetović, Velemir Tanović, Daliborka Milović i Senad Alić.

Prema evidenciji Stručne službe sjednici prisustvuje 38 delegata što čini većinu pa Dom naroda može raditi i punovažno odlučivati.

Predsjedavajući je saopštio da je prijedlog Kolegija Doma naroda da se dio koji se odnosi na delegatska pitanja i inicijative prebaci kao zadnja tačka dnevnog reda radi ekspeditivnosti i zato što postoji hitnost u imenovanju određenih osoba u Agenciji za bankarstvo i pisma koje je stiglo od MMF-a, u kojem se traži da se ovo pitanje što prije riješi.

Dalje, prijedlog Kolegija je da se tačke dnevnog reda koje se odnose na Prijedlog odluke o imenovanju direktora Agencije za bankarstvo, Prijedlog odluke o imenovanju članova Upravnog odbora Agencije za bankarstvo i Prijedlog odluke o imenovanju zamjenika direktora Agencije za bankarstvo danas uvrste kao 1., 2. i 3. tačka dnevnog reda, te da bi tačka 23. Odluka o razrješenju članova Nezavisnog odbora mogla ostati pod rednim brojem 21.

Predsjedavajući je također saopštio da je na sjednici Predstavničkog doma Zakon o izmjenama i dopunama Zakona o izvršenju krivičnih sankcija vraćen u formu Nacrta te da nije razmatran Prijedlog zakona o šumama i Prijedlog zakona o građevinskom zemljištu pa je prijedlog Kolegija da se te tačke skinu s dnevnog reda.

Zvonko Marić je predložio da delegatska pitanja i inicijative budu razmatrane kao 5. tačka dnevnog reda, zbog njihove važnosti.

Predsjedavajući je, nakon toga, stavio na glasanje prijedlog Kolegija da se delegatska pitanja i inicijative razmatraju kao zadnja tačka dnevnog reda.

Na osnovu rezultata glasanja, predsjedavajući je konstatovao da je ovaj prijedlog Kolegija sa 42 glasa, dobio potrebnu većinu.

Predsjedavajući je potom stavio na glasanje prijedlog da se tačka 18. Prijedlog odluke o imenovanju članova Upravnog odbora Agencije za bankarstvo, tačka 19. Prijedlog odluke o imenovanju direktora Agencije za bankarstvo i tačka 20. Prijedlog odluke o imenovanju zamjenika direktora Agencije za bankarstvo razmatraju kao 1., 2. i 3. točka dnevnog reda, a onda ostale tačke idu redoslijedom kako su predložene u dnevnom redu.

Na osnovu rezultata glasanja, predsjedavajući je konstatovao da je i ovaj prijedlog Kolegija dobio potrebnu većinu, sa 43 glasa za, bez suzdržanih glasova i jednim glasom protiv.

Jasmin Duvnjak je saopštio da je imao namjeru da predloži dopunu dnevnog reda sa tačkom Zakon o gasovodu Južna interkonekcija BiH - Hrvatska.

Međutim s obzirom da su uloženi amandmani na ovaj Prijedlog zakona odlučio je da sačeka izjašnjenje Vlade Federacije BiH na ove amandmane.

Potom se prešlo na utvrđivanje dnevnog reda.

Vlada Federacije dostavila je sljedeće prijedloge zakona s prijedlogom da se isti razmatraju po skraćenom postupku i to: Prijedlog zakona o izmjeni i dopuni Zakona o zdravstvenom osiguranju, Prijedlog zakona o izmjenama i dopuni Zakona o platama i drugim naknadama sudija i tužilaca u Federaciji BiH, Prijedlog zakona o dopuni Zakona o zemljišnim knjigama FBiH, Prijedlog zakona o dopunama Zakona o premjeru i katastru nekretnina, Prijedlog zakona o dopunama Zakona o premjeru i katastru zemljišta i Prijedlog zakona o izmjenama i dopunama Zakona o izvršenju krivičnih sankcija.

Predstavnički dom nije prihvatio da se Prijedlog zakona o izmjenama i dopunama Zakona o izvršenju krivičnih sankcija u Federaciji BiH razmatra po skraćenom postupku, nego se isti razmatrao u redovnoj proceduri odnosno u formi nacрта.

Prijedlog Kolegija je da i Dom naroda razmatra ovaj zakon u formi Nacrta.

Na osnovu rezultata glasanja, predsjedavajući je konstatovao da je Dom naroda sa 37 glasova za, jednim glasom protiv i bez suzdržanih glasova prihvatio prijedlog da se Prijedlog zakona o izmjenama i dopunama Zakona o izvršenju krivičnih sankcija u Federaciji BiH razmatra u formi nacрта zakona.

Na osnovu rezultata glasanja, predsjedavajući je konstatovao da je Dom naroda sa 37 glasova za, jednim suzdržanim glasom i jednim glasom protiv, prihvatio prijedlog da se Prijedlog zakona o izmjeni i dopuni Zakona o zdravstvenom osiguranju razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 34 glasa za, jednim suzdržanim glasom i jednim glasom protiv prihvatio prijedlog da

se Prijedlog zakona o izmjenama i dopuni Zakona o platama i drugim naknadama sudija i tužilaca u Federaciji BiH razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda sa 39 glasova za, bez suzdržanih glasova i jednim glasom protiv prihvatio prijedlog da se Prijedlog zakona o dopuni Zakona o zemljišnim knjigama FBiH razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 35 glasova za, dva suzdržana glasa i jednim glasom protiv prihvatio prijedlog da se Prijedlog zakona o dopunama Zakona o premjeru i katastru nekretnina također razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 37 glasova za, jednim suzdržanim glasom i jednim glasom protiv prihvatio prijedlog da se Prijedlog zakona o dopunama Zakona o premjeru i katastru zemljišta razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz jedan suzdržan glas i bez glasova protiv, prihvatio sljedeći:

DNEVNI RED

1. Prijedlog odluke o imenovanju članova Upravnog odbora Agencije za bankarstvo Federacije Bosne i Hercegovine,
2. Prijedlog odluke o imenovanju direktora Agencije za bankarstvo Federacije Bosne i Hercegovine,
3. Prijedlog odluke o imenovanju zamjenika direktora Agencije za bankarstvo Federacije Bosne i Hercegovine,
4. Prijedlog zakona o izmjeni i dopunama Zakona o zdravstvenom osiguranju - skraćeni postupak,
5. Prijedlog zakona o izmjenama i dopuni Zakona o plaćama i drugim naknadama sudija i tužilaca u Federaciji Bosne i Hercegovine - skraćeni postupak,
6. Prijedlog zakona o dopuni Zakona o zemljišnim knjigama Federacije Bosne i Hercegovine - skraćeni postupak,
7. Prijedlog zakona o dopunama Zakona o premjeru i katastru nekretnina - skraćeni postupak,
8. Prijedlog zakona o dopunama Zakona o premjeru i katastru zemljišta - skraćeni postupak,
9. Prijedlog zakona o ustanovama socijalne zaštite Federacije Bosne i Hercegovine,
10. Nacrt zakona o izmjenama i dopunama Zakona o izvršenju krivičnih sankcija u Federaciji Bosne i Hercegovine,
11. Nacrt zakona o električnoj energiji Federacije Bosne i Hercegovine,
12. Nacrt zakona o energiji i regulaciji energetske djelatnosti u Federaciji Bosne i Hercegovine,

13. Nacrt zakona o korištenju obnovljivih izvora energije i efikasne kogeneracije,
14. Nacrt zakona o izmjenama i dopunama Zakona o oduzimanju nezakonito stečene imovine krivičnim djelom,
15. Nacrt zakona o zaštiti civilnih žrtava rata u Federaciji Bosne i Hercegovine,
16. Nacrt zakona o zaštiti prijavitelaca korupcije u Federaciji Bosne i Hercegovine,
17. Nacrt zakona o zaštiti od nasilja u porodici (predlagač: Vibor Handžić, delegat u Domu naroda),
18. Nacrt zakona o doživotnoj mjesečnoj naknadi zaslužnim sportistima u Federaciji Bosne i Hercegovine (predlagač: Jasmin Duvnjak, delegat u Domu naroda),
19. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2022. godinu, Izmjene i dopune Finansijskog plana Federalnog fonda solidarnosti za 2022. godinu (Anex I.) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH za 2022. godinu,
20. Prijedlog odluke o dopuni Odluke o donošenju Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ za period od 20 godina,
21. Prijedlog odluke o razrješenju člana Nezavisnog odbora,
22. Delegatska pitanja i inicijative.

1. Prijedlog odluke o imenovanju članova Upravnog odbora Agencije za bankarstvo Federacije Bosne i Hercegovine

Tekst Prijedloga odluke utvrdila je Vlada Federacije BiH.

Predstavnički dom obavijestio je Dom naroda da je na svojoj 34. sjednici, održanoj 28.6.2022. godine, donio Odluku o imenovanju članova Upravnog odbora Agencije za bankarstvo FBiH.

Komisija za izbor i imenovanja je pripremila Prijedlog odluke o imenovanju članova Upravnog odbora Agencije za bankarstvo FBiH kojom se Ivanka Galić, Samer Bakić, Ivan Bakić, Haris Jahić i Jasmin Halebić imenuju za članove Upravnog odbora Agencije za bankarstvo FBiH na period od pet godina.

U raspravi je učestvovao Elmedin Konaković.

Na osnovu rezultata glasanja, predsjedavajući je konstatovao da je Prijedlog odluke o imenovanju članova Upravnog odbora Agencije za bankarstvo Federacije Bosne i Hercegovine dobio potrebnu većinu, sa 41 glasom za, tri suzdržana i jednim glasom protiv.

2. Prijedlog odluke o imenovanju direktora Agencije za bankarstvo Federacije BiH

Tekst Prijedloga odluke dostavila je Vlada Federacije BiH.

Predstavnički dom obavijestio je Dom naroda da je na 34. sjednici, održanoj 28.6.2022. godine, donio Odluku o imenovanju direktora Agencije za bankarstvo Federacije BiH.

Komisija za izbor i imenovanja Doma naroda razmatrala je ovaj prijedlog i utvrdila Prijedlog odluke o imenovanju direktora Agencije za bankarstvo FBiH kojom se gospodin Jasmin Mahmuzić imenuje za direktora Agencije za bankarstvo FBiH na period od četiri godine.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog odluke o imenovanju direktora Agencije za bankarstvo Federacije BiH dobio potrebnu većinu, sa 39 glasova za, tri suzdržana i jednim glasom protiv.

3. Prijedlog odluke o imenovanju zamjenika direktora Agencije za bankarstvo Federacije BiH

Prijedlog odluke dostavila je Vlada Federacije BiH.

Predstavnički dom je na svojoj 34. sjednici, održanoj 28.6.2022. godine, donio Odluku o imenovanju zamjenika direktora Agencije za bankarstvo.

Komisija za izbor i imenovanja Doma naroda razmatrala je ovaj prijedlog i utvrdila Prijedlog odluke o imenovanju zamjenika direktora Agencije za bankarstvo Federacije BiH, kojim se imenuje Dubravka Bošnjak za zamjenika direktora Agencije za bankarstvo Federacije BiH, na period od četiri godine.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog odluke o imenovanju zamjenika direktora Agencije za bankarstvo Federacije BiH dobio potrebnu većinu, sa 37 glasova za, tri suzdržana i jednim glasom protiv.

4. Prijedlog zakona o izmjeni i dopunama Zakona o zdravstvenom osiguranju – skraćeni postupak

Tekst Prijedloga zakona je utvrdila Vlada Federacije BiH.

Predstavnički dom je obavijestio Dom naroda da je na 34. sjednici, održanoj 28.6.2022. godine, usvojio Prijedlog zakona o izmjeni i dopunama Zakona o zdravstvenom osiguranju, u tekstu kako ga je predložila Vlada Federacije.

Tekst Prijedloga zakona su razmatrala nadležna radna tijela i dostavila svoje izvještaje.

Prijedlog zakona obrazložila je Marina Bera, predstavница Vlade Federacije BiH.

U raspravi su učestvovali Aner Žuljević i Marina Bera.

Na osnovu rezultata glasanja, predsjedavajući je konstatovao da je Prijedlog zakona o izmjeni i dopunama Zakona o zdravstvenom osiguranju dobio potrebnu većinu, sa 37 glasova za, bez suzdržanih glasova i bez glasova protiv.

5. Prijedlog zakona o izmjenama i dopuni Zakona o platama i drugim naknadama sudija i tužilaca u Federaciji BiH - skraćeni postupak

Tekst Prijedloga zakona je utvrdila Vlada Federacije BiH.

Predstavnički dom je obavijestio Dom naroda da je na 35. sjednici, održanoj 26.7.2022. godine, usvojio Prijedlog zakona o izmjenama i dopuni Zakona o platama i drugim naknadama sudija i tužilaca u Federaciji BiH, u tekstu kako ga je predložila Vlada Federacije.

Tekst Prijedloga zakona su razmatrala nadležna radna tijela i dostavila svoje izvještaje.

Prijedlog zakona obrazložio je Damir Šapina, pomoćnik federalnog ministra pravde.

U raspravi su učestvovali Aner Žuljević i Damir Šapina.

Na osnovu rezultata glasanja, predsjedavajući je konstatovao da Prijedlog zakona o izmjenama i dopuni Zakona o platama i drugim naknadama sudija i tužilaca u Federaciji BiH nije dobio potrebnu većinu, sa 27 glasova za, pet suzdržanih i tri glasa protiv.

Jasmin Duvnjak je zatražio pojedinačno izjašnjanje.

Sekretar Doma naroda, Izmir Hadživdić, je u skladu sa odredbom člana 113. Poslovnika o radu Doma naroda izvršio pojedinačno izjašnjanje.

Nakon ponovljenog glasanja i pojedinačnog izjašnjanja delegata, predsjedavajući je konstatovao da je Prijedlog zakona o izmjenama i dopuni Zakona o platama i drugim naknadama sudija i tužilaca u Federaciji BiH dobio potrebnu većinu, sa 34 glasa za, jednim suzdržanim i bez glasova protiv.

6. Prijedlog zakona o dopuni Zakona o zemljišnim knjigama Federacije BiH – skraćeni postupak

Tekst Prijedloga zakona utvrdila je Vlada Federacije BiH.

Predstavnički dom obavijestio je Dom naroda da je na 35. sjednici, održanoj 26.7.2022. godine, usvojio Prijedlog zakona o dopuni Zakona o zemljišnim knjigama Federacije BiH, u tekstu kako ga je predložila Vlada Federacije BiH.

Prijedlog zakona su razmatrala i nadležna radna tijela i dostavila svoje izvještaje.

Prijedlog zakona obrazložio je gospodin Željko Obradović, direktor Uprave za geodetske i imovinsko-pravne poslove.

U raspravi su učestvovali Alisa Hajdarović i Željko Obradović.

Na osnovu rezultata glasanja, predsjedavajući je konstatovao da je Prijedlog zakona o dopuni Zakona o zemljišnim knjigama Federacije BiH dobio potrebnu većinu, sa 32 glasa za, bez suzdržanih i bez glasova protiv.

7. Prijedlog zakona o dopunama Zakona o premjeru i katastru nekretnina – skraćeni postupak

Tekst Prijedloga zakona utvrdila je Vlada Federacije BiH.

Predstavnički dom obavijestio je Dom naroda da je na 35. sjednici, održanoj 26.7.2022. godine, usvojio Prijedlog zakona o dopunama Zakona o premjeru i katastru nekretnina u tekstu kako ga je predložila Vlada Federacije BiH.

Tekst Prijedloga zakona razmatrala su i nadležna radna tijela i dostavila svoje izvještaje.

Nije bilo potrebe da prijedlog zakona obrazloži predstavnik Vlade Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o dopunama Zakona o premjeru i katastru nekretnina dobio potrebnu većinu, sa 32 glasa za, bez suzdržanih i bez glasova protiv.

8. Prijedlog zakona o dopunama Zakona o premjeru i katastru zemljišta – skraćeni postupak

Tekst Prijedloga zakona je utvrdila Vlada Federacije BiH.

Predstavnički dom obavijestio je Dom naroda da je na 35. sjednici, održanoj 26.7.2022. godine usvojio Prijedlog zakona u tekstu kako ga je predložila Vlada Federacije BiH.

Prijedlog zakona su razmatrala nadležna radna tijela i dostavila svoje izvještaje.

Nije bilo potrebe da prijedlog zakona obrazloži predstavnik Vlade Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o dopunama Zakona o premjeru i katastru zemljišta dobio potrebnu većinu, sa 32 glasa za, bez suzdržanih i bez glasova protiv.

9. Prijedlog zakona o ustanovama socijalne zaštite Federacije BiH

Tekst Prijedloga zakona je utvrdila Vlada Federacije BiH.

Predstavnički dom obavijestio je Dom naroda da je na 34. sjednici, održanoj 28.6.2022. godine usvojio Prijedlog zakona u tekstu kako ga je predložila Vlada Federacije BiH.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona obrazložio je Vesko Drijača, federalni ministar rada i socijalne politike.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o ustanovama socijalne zaštite Federacije BiH dobio potrebnu većinu, sa 30 glasova za, bez suzdržanih i bez glasova protiv.

10. Nacrt zakona o izmjenama i dopunama Zakona o izvršenju krivičnih sankcija u Federaciji BiH

Tekst Prijedloga zakona je utvrdila Vlada Federacije BiH.

Predstavnički dom obavijestio je Dom naroda da nije prihvatio da se Prijedlog zakona o izmjenama i dopunama Zakona o izvršenju krivičnih sankcija u Federaciji BiH razmatra po skraćenoj proceduri, nego je isti razmatrao u formi Nacrta zakona.

Nacrt zakona obrazložila je Mersiha Udovčić, predstavnica Federalnog ministarstva pravde.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda, sa 26 glasova za, dva suzdržana glasa i pet glasova protiv, nije prihvatio sljedeći

ZAKLJUČAK

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o izvršenju krivičnih sankcija u FBiH, i smatra da može poslužiti kao osnov za izradu prijedloga zakona.
2. Zadužuje se predlagač da organizuje i provede javnu raspravu u trajanju od 45 dana.
3. Zadužuje se predlagač da prilikom izrade prijedloga zakona ima u vidu primjedbe i prijedloge i sugestije koje će biti iznesene u javnoj raspravi, kao i one koje će biti naknadno dostavljene u pismenoj formi.

11. Nacrt zakona o električnoj energiji Federacije BiH

Tekst Nacrta zakona je utvrdila Vlada Federacije BiH.

Predstavnički dom obavijestio je Dom naroda da je na svojoj 35. sjednici održanoj 26.7. razmatrao Nacrt zakona o električnoj energiji i Zaključkom ga prihvatio.

Nacrt zakona su razmatrala nadležna radna tijela i dostavila svoje izvještaje.

Nacrt zakona obrazložio je Halko Balavac, pomoćnik ministra federalnog ministarstva energije, rudarstva i industrije.

U raspravi je učestvovao Aner Žuljević.

Na osnovu rezultata glasanja, predsjedavajući je konstatovao da je Dom naroda, sa 34 glasa za, dva suzdržana glasa i bez glasova protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o električnoj energiji FBiH, i smatra da može poslužiti kao osnov za izradu prijedloga zakona.
2. Zadužuje se predlagač da prilikom izrade prijedloga zakona ima u vidu primjedbe, prijedloge i sugestije koje će biti iznesene na sjednici i sjednici Doma naroda, kao i one koje će biti dostavljene u pismenoj formi.

12. Nacrt zakona o energiji i regulaciji energetske djelatnosti u Federaciji BiH

Tekst Nacrta zakona je utvrdila Vlada Federacije BiH.

Predstavnički dom obavijestio je Dom naroda da je na 35. sjednici, održanoj 27.7.2022. godine, razmatrao Nacrt zakona i Zaključkom ga prihvatio.

Nacrt zakona su razmatrala nadležna radna tijela i dostavila svoje izvještaje.

Nacrt zakona obrazložio je Halko Balavac, pomoćnik ministra federalnog ministarstva energije, rudarstva i industrije.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 31 glasom za, jednim suzdržanim glasom i bez glasova protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o energiji i regulaciji energetske djelatnosti u FBiH i smatra da može poslužiti kao osnov za izradu prijedloga zakona.
2. Zadužuje se predlagač da prilikom izrade prijedloga zakona ima u vidu primjedbe, prijedloge i sugestije koje će biti iznesene u pismenoj formi.

13. Nacrt zakona o korištenju obnovljivih izvora energije i efikasne kogeneracije

Tekst Nacrta zakona je utvrdila Vlada Federacije BiH.

Predstavnički dom obavijestio je Dom naroda da je na 35. sjednici razmatrao Nacrt zakona o korištenju obnovljivih izvora energije i efikasne kogeneracije i Zaključkom ga prihvatio.

Nacrt zakona su razmatrala nadležna radna tijela i dostavila svoje izvještaje.

Nacrt zakona obrazložio je Halko Balavac, pomoćnik ministra federalnog ministarstva energije, rudarstva i industrije.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 35 glasova za, dva suzdržana glasa i bez glasova protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o korištenju obnovljivih izvora energije i efikasne kogeneracije i smatra da može poslužiti kao osnov za izradu prijedloga zakona.
2. Zadužuje se predlagač da prilikom izrade prijedloga zakona ima u vidu primjedbe, prijedloge i sugestije koje će biti iznesene u pismenoj formi.

Predsjedavanje domom je preuzeo Aljoša Čampara, potpredsjedavajući Doma naroda.

14. Nacrt zakona o izmjenama i dopunama Zakona o oduzimanju nezakonito stečene imovine krivičnim djelom

Nacrt zakona utvrdila je Vlada Federacije BiH.

Predstavnički dom obavijestio je Dom naroda da je na 35. sjednici, održanoj 27.7. 2022. godine razmatrao Nacrt zakona o izmjenama i dopunama Zakona o oduzimanju nezakonito stečene imovine krivičnim djelom i Zaključkom ga prihvatio.

Nacrt zakona su razmatrala nadležna radna tijela i dostavila svoje izvještaje.

Nacrt zakona obrazložio je predstavnik Vlade Federacije BiH.

U raspravi niko nije učestvovao.

Na osnovu rezultata glasanja, potpredsjedavajući je konstatovao da je Dom naroda, sa 32 glasa za, jednim suzdržanim glasom i bez glasova protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o oduzimanju nezakonito stečene imovine krivičnim djelom i smatra da može poslužiti kao osnov za izradu prijedloga zakona.
2. Zadužuje se predlagač da organizira i provede javnu raspravu u trajanju od 45 dana.
3. Zadužuje se predlagač da prilikom izrade prijedloga zakona ima u vidu primjedbe, prijedloge i sugestije iznesene u raspravi na sjednici Doma naroda, kao i one koje su dostavljene ili će biti dostavljene u pismenoj formi.

15. Nacrt zakona o zaštiti civilnih žrtava rata u Federaciji BiH

Nacrt zakona utvrdila je Vlada Federacije BiH.

Predstavnički dom Parlamenta Federacije je obavijestio Dom naroda da je na 35. sjednici, održanoj 27.7.2022. godine razmatrao Nacrt zakona o zaštiti civilnih žrtava rata u FBiH i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje.

Nije bilo potrebe da predstavnik Vlade Federacije BiH obrazloži Nacrt zakona.

U raspravi niko nije učestvovao.

Na osnovu rezultata glasanja, potpredsjedavajući je konstatovao da je Dom naroda, sa 31 glasom za, dva suzdržana glasa i bez glasova protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o zaštiti civilnih žrtava rata u Federaciji BiH i smatra da može poslužiti kao osnov za izradu prijedloga zakona.
2. Zadužuje se predlagač da organizira i provede javnu raspravu u trajanju od 45 dana u skladu sa procedurama predviđenim u Ustavu Federacije za donošenje zakona iz zajedničke nadležnosti federalne vlasti i kantona.

3. Zadužuje se Stručna služba Doma naroda Parlamenta Federacije BiH da ovaj zaključak i Nacrt zakona o zaštiti civilnih žrtava rata u Federaciji BiH dostavi kantonalnim skupštinama na davanje mišljenja u roku od 45 dana od dana dostave ovog zaključka.
4. Zadužuje se predlagač da prilikom izrade prijedloga zakona ima u vidu primjedbe, prijedloge i sugestije iznesene u raspravi na sjednici Doma naroda, kao i one koje su dostavljene ili će biti dostavljene u pismenoj formi.

16. Nacrt zakona o zaštiti prijavilaca korupcije u Federaciji BiH

Nacrt zakona utvrdila je Vlada Federacije BiH.

Predstavnički dom je obavijestio Dom naroda da je na svojoj sjednici, održanoj 20.6.2018. godine usvojio Nacrt zakona.

Nacrt zakona razmatrala su nadležna radna tijela.

Nacrt zakona obrazložio je Eldan Mujanović, predstavnik Vlade Federacije BiH.

U raspravi niko nije učestvovao.

Na osnovu rezultata glasanja, potpredsjedavajući je konstatovao da je Dom naroda, sa 33 glasa za, bez suzdržanih glasova i bez glasova protiv, prihvatio sljedeći:

ZAKLJUČAK

1. Dom naroda Parlamenta FBiH prihvata Nacrt zakona o zaštiti prijavilaca korupcije u FBiH i smatra da može poslužiti kao dobar osnov za izradu Prijedloga Zakona.
2. Zadužuje se Vlada Federacije BiH da prilikom izrade Prijedloga zakona ima u vidu primjedbe prijedloge i sugestije iznesene na sjednici Doma naroda.

17. Nacrt zakona o zaštiti od nasilja u porodici (predlagač: Vibor Handžić, delegat u Domu naroda)

Predstavnički dom Parlamenta FBiH obavijestio je Dom naroda da na je 24. sjednici, održanoj 27.7.2021. godine, razmatrao Nacrt zakona o zaštiti od nasilja u porodici, i Zaključkom ga prihvatio.

Tekst Nacrta zakona delegata iz Doma naroda je istovjetan Nacrtu zakona koji je podnijela Komisija za jednakopravnost spolova u Predstavničkom domu.

Nacrt zakona razmatrala su nadležna radna tijela.

Nacrt zakona obrazložio je Vibor Handžić, predlagač zakona.

U raspravi niko nije učestvovao.

Na osnovu rezultata glasanja, potpredsjedavajući je konstatovao da Dom naroda sa 27 glasova za, osam suzdržanih i bez glasova protiv, nije prihvatio sljedeći:

ZAKLJUČAK

1. Dom naroda Parlamenta FBiH prihvata Nacrt zakona o zaštiti od nasilja u porodici i smatra da može poslužiti kao osnov za izradu Prijedloga zakona.
2. Zadužuje se predlagač da organizira i provede javnu raspravu u trajanju od 45 dana u skladu sa procedurama predviđenim u Ustavu FBiH za donošenje Zakona i zajedničke nadležnosti Federalne vlasti i kantona.
3. Zadužuje se Stručna služba doma Parlamenta FBiH da ovaj zaključak i Nacrt zakona o zaštiti od nasilja u obitelji dostavi kantonalnim skupštinama radi davanja mišljenja u roku od 30 dana od dana dostavljanja ovoga zaključka.
4. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, u javnoj raspravi i u mišljenjima kantonalnih skupština.

Zatraženo je pojedinačno izjašnjavanje.

Na osnovu rezultata pojedinačnog izjašnjavanja, potpredsjedavajući je konstatovao da je Dom naroda, sa 34 glasa za, devet suzdržanih glasova i bez glasova protiv, prihvatio Nacrt zakona o zaštiti od nasilja u porodici.

18. Nacrt zakona o doživotnoj mjesečnoj naknadi zaslužnim sportistima u Federaciji BiH (predlagač: Jasmin Duvnjak, delegat u Domu naroda Parlamenta Federacije BiH)

Predstavnički dom Parlamenta Federacije BiH obavijestio je Dom naroda da je na 33. sjednici, održanoj 6.6.2022., godine razmatrao Nacrt zakona o doživotnoj mjesečnoj naknadi zaslužnim sportašima u FBiH i Zaključkom ga prihvatio.

Tekst Nacrta zakona delegata iz Doma naroda istovjetan je Nacrtu zakona koji su podnijeli Suad Kaknjo i Alisa Kokić-Hinović, poslanici u Predstavničkom domu.

Nacrt zakona razmatrala su nadležna radna tijela.

Jasmin Duvnjak je saopštio delegatima da povlači zakon iz procedure.

Predsjedavanje domom je preuzeo Tomislav Martinović, predsjedavajući Doma naroda.

19. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2022. godinu, Izmjene i dopune Finansijskog plana Federalnog fonda solidarnosti za 2022. godinu i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja FBiH za 2022. godinu

Tekst prijedloga odluke dostavila je Vlada Federacije BiH.

Predstavnički dom obavijestio je Dom naroda da je na 35. sjednici donio Odluku o davanju suglasnosti na spomenute odluke.

Prijedlog odluke obrazložila je Vlatka Martinović, direktorica Zavoda zdravstvenog osiguranja i reosiguranja Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja FBiH za 2022. godinu, Izmjene i dopune Finansijskog plana Federalnog fonda solidarnosti za 2022. godinu i odluku o načinu izvršenja rebalansa Finansijskog plana Zavoda zdravstvenog osiguranja i reosiguranja FBiH za 2022. godinu, dobio potrebnu većinu, sa 40 glasova za, bez suzdržanih glasova i bez glasova protiv.

20. Prijedlog odluke o dopuni Odluke o donošenju Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru VC“ za period od 20 godina

Tekst Prijedloga odluke utvrdila je Vlada FBiH.

Predstavnički dom je obavijestio Dom naroda da je na 34. sjednici, održanoj 28.06.2022. godine, usvojio Prijedlog odluke o dopuni Odluke o donošenju Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru VC“ za period od 20 godina.

Prijedlog odluke su razmatrala nadležna radna tijela i dostavila svoje izvještaje.

Prijedlog odluke obrazložio je predstavnik Vlade Federacije BiH.

U raspravi su učestvovali Aner Žuljević, Jasmin Duvnjak i predstavnik Vlade Federacije BiH.

Na osnovu rezultata glasanja, predsjedavajući je konstatovao da Prijedlog odluke o dopuni Odluke o donošenju Prostornog plana područja posebnih obilježja od značaja za Federaciju Bosne i Hercegovine Autocesta na Koridoru VC za period od 20 godina nije dobio potrebnu većinu, sa 22 glasa za, 11 suzdržanih i četiri glasa protiv. Jasmin Duvnjak je zatražio pojedinačno izjašnjanje.

Nakon ponovljenog pojedinačnog izjašnjanja, predsjedavajući je konstatovao da Prijedlog odluke o dopuni Odluke o donošenju Prostornog plana područja posebnih obilježja od značaja za Federaciju Bosne i Hercegovine Autocesta na Koridoru VC za period od 20 godina nije dobio potrebnu većinu, sa 25 glasova za, 13 suzdržanih i četiri glasa protiv.

21. Prijedlog odluke o razrješenju člana Nezavisnog odbora

Na osnovu člana 50. Zakona o unutrašnjim poslovima Federacije BiH, Parlament Federacije BiH imenuje i razrješava članove Nezavisnog odbora.

Predstavnički dom Parlamenta Federacije BiH obavijestio je Dom naroda da je na 34. sjednici, održanoj 28.06.2022. godine donio Odluku o razrješenju Enesa Bezdroba.

Enes Bezdrob podnio je ostavku na mjesto člana Nezavisnog odbora.

Komisija za izbor i imenovanja razmatrala je i utvrdila Prijedlog odluke o razrješenju Enesa Bezdroba, člana Nezavisnog odbora.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog odluke o razrješenju člana Nezavisnog odbora dobio potrebnu većinu sa 34 glasa za, bez suzdržanih glasova i sa jednim glasom protiv.

Predsjedavajući je saopštio prisutnima da je Dom naroda usvojio 36 zakona po hitnom postupku, 50 po skraćenom postupku, 25 zakona po redovnom postupku, a u formi Nacrta prihvaćena su 54 zakona, što ukupno iznosi 165 zakona.

Dom naroda je također donio 85 odluka, sedam planova, dva dokumenta, šest strategija, jednu Rezoluciju, 44 izvještaja, sedam zaključaka, 42 informacije i jednu izjavu, što ukupno iznosi 360 materijala.

Potom se prešlo na tačku 22. - Delegatska pitanja i inicijative.

22. Delegatska pitanja i inicijative

Senad Čeljo je postavio pitanje Javnom preduzeću Autoceste Federacije BiH u vezi izgradnje tunela Hranjen.

Zvonko Marić je postavio pitanje Vladi Federacije BiH u vezi izdvajanja sredstava za pomoć socijalno ugroženim, što je i najavljeno od strane Vlade Federacije BiH.

Jasmin Duvnjak je postavio tri pitanja i uputio jednu inicijativu.

Prvo pitanje je postavio Vladi Federacije BiH, odnosno ministrici finansija gospođi Jelki Miličević, u vezi realizacije zaključka Parlamenta Federacije BiH za unaprjeđenje pozicije i statusa zaposlenih u Poreznoj upravi Federacije BiH.

Drugo pitanje je postavio KPZ - u Zenica i resornom ministarstvu pravde - postoji li zakonska mogućnost da se određene parcele koje su u vlasništvu ili u posjedu KPZ Zenica ustupe gradu Zenica za izgradnju parkova, sportskih igrališta, parking prostora i slično, jer je veliki dio tog zemljišta neiskorišten?

Treće pitanje je postavio Vladi Federacije BiH u vezi implementacije Zakona o volonterizmu u Federaciji BiH.

Inicijativu je uputio Vladi Federaciji BiH i Parlamentu Federacije BiH za donošenje Zakona o nacionalnim simbolima u Federaciji BiH.

Damir Marjanović je postavio pitanje Vladi Federacije BiH, u vezi planiranog utroška sredstava za zaštitu od prirodnih nesreća i nabavku helikoptera ili kanadera za gašenje požara.

Igor Stojanović je podnio Inicijativu za kupovinu kanadera, te da se u skladu sa budžetskom stavkom raspiše otvoreni međunarodni javni poziv u iznosu od 30 miliona maraka koji bi predvidio i nabavku kanadera.

Sjednica je završila sa radom u 14 sati i 52 minuta.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Tomislav Martinović